

Hoofstuk 48 - BESETTINGS (30.01.1841) HIM1.273

1] Skryf dus net wat jou bedruk maak! Want daar is nou so baie besete mense dat hierdie betreurenswaardige toestand van mense in alle erns "normaal" geword het.

2] Kyk, as die liggaam hier en daar siek geword het, is dit weens een of ander omstandigheid dat daar vreemde dele daarin gekom het. Dan probeer die liggaam in sy organiese aktiwiteit om hierdie vreemde stowwe uit te werp (deur middel van die senuwee intellek). Maar dit is hier net soos iemand, wat sonder enige probleem in 'n kunsmatige doolhof beland het, en nie so maklik kan uitkom soos hy ingekom het nie. En net so kan 'n vreemde deeltjie dus nie so maklik uit die liggaam gehaal word as wat dit ingekom het nie.

3] Maar waar dan so 'n vreemde deel in die liggaam-organisme sit, belemmer dit die behoorlike werking van die organe en **veroorzaak allerlei verstoringe in die bloedsomloop** en al die voedingstowwe wat daaruit kom. En as dit dus nie die bepaalde organe op die regte tyd tot voeding kan bereik nie, word die organe dan honger, krimp ineen en veroorsaak 'n krampagtige, pynlike trek, word dowwer en dowwer; en uiteindelik word die liggaam heeltemal gespanne, en die organe verloor, tesame met die elektriese spanning, dadelik hul elektrisiteit. En die gevolg daarvan is dat die liggaam verswak en siek word.

4] Daar is sulke vreemde dele soos allerhande gifstowwe, in alle elemente. En hulle kan die liggaam op verskeie maniere binnedring, hetsy deur die mond, neus, ore, oë of ook deur die porieë van die vel.

5] Dan is daar, naas allerhande gifstowwe, ook sogenaamde aansteeklike siektes wat deur aanraking of dikwels net deur blote nabyheid, die porieë van die liggaam binnedring soos suurdeeg en daarmee begin versmelt, waardeur die liggaam dikwels baie gevaarlik siek word, omdat die liggaam dan gedwing word om 'n geheel en al vreemde geaardheid aan te neem. En as daar nie vinnig hulp verleen word nie, is dit onherroeplik gedaan met die liggaam.

6] Verder is daar nog 'n derde manier vir die ontstaan van siektes, naamlik gewelddadige beserings, wat terselfdertyd verontrustend is, en dikwels dodelik inwerk op die organisme. En dit spreek vanself dat daar twee tipes beserings kan wees, hetsy uitwendig of inwendig.

7] Dus kortom, 'n siekte van die liggaam, hoe ook al gevorm, is niks anders as 'n besit van die liggaam deur vreemde elemente wat nie verenigbaar is met die liggaam nie.

8] Alhoewel die liggaam van nature al die elemente opneem, is daar net soveel van elk (in 'n gesonde toestand) as wat binne die natuurlike orde nodig is. Aldus bestaan die vreemdheid in die buitensporige hoeveelhede, dit wil sê soms te veel of, onder ander omstandighede, te min.

9] Jy sien, as 'n mens reeds van geboorte af verdorwe word, as daar reeds vreemde dele uit die wanordelike lewens van sy ouers in hom gebore is, dan noem jy so

'n boosheid "**oorerflik**" of "**chronies**". En as so 'n boosheid egter oor 'n hele geslag strek, dan, sê Ek, word sulke boosheid "normaal" en kan dit nie meer op natuurlike wyse uit die liggaam verwyder word nie, maar **slegs deur My, by wyse van 'n wonderwerk**, wat dan 'n gewelddadige daad deur My is, omdat Ek deur My allergenadige Liefde gedwing word om teen My orde te handel. Anders moet die boosheid heeltemal uitgeknikker word, en dit verskyn dan in die vorm van allerlei soorte **uitslag, bouse koors en epidemies**, waar dit dan, onder eie bevel, die betrokke mense reinig, maar dikwels ook, deur 'n té heftige optrede, hierdie mense sowel as hele geslagte meesleur, en só aan die dokters die reël wys, dat daar nie baie helende middels is teen sulke ou skade nie.

10] Sou iemand egter wil weet of daar in hom 'n heimlik stille, geërfde, chroniese of 'n self verworwe euwel is, **moet hy net goed vas** en met so 'n dieet dan en wan 'n bietjie medisyne neem, natuurlik op 'n gepaste wyse, dan sal hy spoedig die volgende vind: onder die senuwees die **geërfde**, in die ledemate die **chroniese** en in die ingewande die **self verworwe** kwale. En dit is die weg van sogenaamde **homeopatie, wat ook verkies word** vir die kwale van die eerste soort.

11] Nou kyk, soos Ek jou die besetting van die liggaam gewys het, het Ek jou ook gewys op die geestelike besetting van die mense. Want dit is dieselfde met die geestelike as met die fisiese.

12] En sulke besettings het so algemeen geword, dat mense dit glad nie meer bemerk, welke sluwe onheil die bouse gaste met hulle bedryf nie. Ja, die mense is nou so erg "besete" **dat in hulle die bouse geeste en hulle eie gees ten volle één geword het**. Daar praat die bouse gees dan net vir sy huis, en snedig van die huis van sy medebewoner.

13] Want daar is **dans, hoerery, wrok, skeltaal, vloek, roof, steel, leuens, trots, hoogmoed, grootpraterij, eerskending (laster), afguns, gierigheid, hofmakery, vraatsug, spot en veragting (hoon) van alles wat op My betrekking het, prag en praal, modes, luukshede en dergelike uitspattighede** niks anders as die volkome, onmiskenbare tekens van die mees intense besettings nie.

14] Wie dit nie wil glo nie, probeer maar net die aanbevole dieet van die geestelike in selfverloëning en **neem verskeie klein dosisse van My Woord in**. En voorwaar, Ek sê, dit sal hom gou oortuig watter "Meester" in hom woon. En sou dit deur My uitgedryf word, dan sal hierdie booshede dadelik die hele wêreld teen so 'n bevryde oproep.

15] Wie daarom hierdie woorde nie wil glo nie, probeer maar die "homeopatie van die gees" en hy sal homself gou oortuig dat Ek, die ewige Waarheid, getrou is in elkeen van My Woorde.

16] Maar die universele tyd-om is nie meer ver nie! **Wee, wee, wee dan aan die eienaar van sulke goedere!** - Amen. Dit sê Ek, die Oer-ewige Waarheid self!